



10. ԸՆԾԱՐՔՈՒՄԸՍ ԱՄՍԸԵՆ ՀԻՆՉ ՈՒՐԱՆ ՏԸԵՂԱՎՆ Ա ՔՅՈՒՍՄ

Մին թաքավրերու կենդի էրկան վախտ խոխա շար պիրոնմ։ Մին օր էտ թաքավրերն օնրան կնգանը եր կալած ահիս ա կլամ շոռ կլան։ Քլինանմվ, քլինանմվ հըսնում ըն մին ծմակում մին լնվ տընդ։ Թաքավրերեն կենգլն ասում ա.—Շանհ, հինչ լնվ տընդ ա լն։ Թաքավրերն էլ ասում ա.—Ա՛կենգլ, դե վրեր էտքան լնվ տընդ ա, հանրանթ աստված մընր խոսկը մեհետ կըսկանա, մընդ մին խոխա տա, էս քու ասած լնվ տընդը մին մընծ պալատ ըմ շինանկան, մալին տինիմ, վրեր ըստընդ մըծանա։

Ժոնկ ա անց կենում, ժըմանակ ա անց կենում, աստված տահանց խոսկն ըսկանում ա, թաքավրերեն կենգլը պատճառուր ա տընդում, մին ախճիգլ պիրոնմ։

Թաքավրերը պիրում ա տընդ մին պալատ շինում, ըխճըկանն էտ պըլատումը մըծըցնում, համ էլ հունց պահում ա, վրեր էտ ախճիգլը բմարթ՝ բառը ըսկանա վրեն, գլիդա վրեն, թա հինչ պեն ա։ Թաքավրերն էտ պըլատեն նանգիր-վեգիրը, ծառայողնեն

¹ Տըսմարգ (Մ. Բ.)։

լոխ կնանեք ա տիննմ, թողում չի, վրեր տընդ տըղըմարթու
շոք ըրվա, ինքն էլ տըղերքատ մոտանում չի:

էտ ախճիգյը վրեր մըծանում ա, հենց էտ պըլատումն էլ
ուսում ըն տամ, վարժարեղնեն էլ լոխ կնանեք ըն իննմ: Վրեր
մին քանի տարե անց ա կենում տա լափ մըծանում ա, լավ, քու
հավան կացած շատ զնշանգ ախճիգյ ա տընեւում:

Մին օր մին շալոն զորք կյամ ա էտ թաքավրերեն պըլատեն
քըշտավն անց կենում, քյիննմ: էտ զորքեն կամանդիրը վրեր
թաքավրերեն պըլատեն բալկոնեն եշում ա, էտ ըխճըկանը տընս-
նում ա, բնիդան ըռանգյը փոխում ա, խրեգյ ա մնամ, վրեր օշը տա-
նե: Ուրան սըլղըթներան մինն էտ պենը տընսնում ա: Վրեր տընդ ըն
հըսնում, տա կամանդերին ասում ա տու ինձ էսքան դոլլար փող
տո, ես քյիննմ ախճիգյը քըզետե պիրիմ: Կամանդիրը փողը տամ
ա, տա քյիննմ ա տընդետ բըզարումը մի լավ ուստա քթենում,
տրան ասում.—Հիշքան փող օղըես, ես ըրկուտակ, իրըքտակ կը-
տամ, ինձետե տասներկու ըշկանե մին լավ բուփետ շինի, տասը-
մին աշկը պեց թող, նըրքե աշկըն մին պիննլին թող քու ծընոքետ
կենա, մինն իմ ծընոքես, ես նի յըմ մնական էտ նըրքե աշկը,
կըթըլես, պիննլին յոր օնըես, էնքան կըպահես, վրեր թաքավրերը
կըկյա էտ բուփետն ուրան ըխճըկանը հետե ինք օնըե տանե, իմ
զաղտնիքը մին տու կըգիդաս, մին էլ ես: Ուստան իտի յել անում ա:

Մին օր թաքավրերն ուրան կնգանը նհետ կյամ ա բազարը,
տընսնում մին լավ բուփետ ըն ծախում: Կնգանն ասում ա.—Հինշ
լավ բուփետ ա, մըր ըխճըկանը հետե ինք օնըենք, կյիրքերը-պենը
տինի մալին: Կնգյը թա՝ ինք օնըենք, Ինք ըն օնում, վրեր տա-
նեն պալատը, աշկերը լոխ պենալ ըն տամ փորցում, նըրքե աշկը
պենվում չի: Վրեր հըրցնում ըն; թա խն՝ պենվում չի, ուստան ա-
սում ա.—Յափուշխանը պընեդ ա, վրեր տանեք պալատը, մին
քանի օր կենա տընդը թըքանա, պինվըլական ա:

Բուփետը յոր ըն օնում, տանում թաքավրերեն ըխճըկանը պա-
լատը: Մին քանի օրան հող էտ ախճիգյն ուրան կյիրքը կըրթիլս
մին քանի իրես վրեր անց ա կենում, կյամ ա լափ վերլին իրե-
սումը էրկու տընդ «մարթ» բառը պըտահում: Կնքթնմ ա, հտնան
ասում.—Մա՛րթ, մա՛րթ, ա՛խ, էս բառը կնխ՝ չըմ ինգյում: էտ
խոսկեն յիրա բնիդան էտ տղան բուփետին նըրքե աշկան պինն-
լին քցնմ ա, շոռ տամ աշկը պենում, տնա կյամ ըխճըկանն առայը,
ասում.—Մարթը էտ հենց ես ըմ: էտ ախճիգյն ասում ա.—Կնխ
չըմ ինգյնմ: Տղան ըսկսում ա բացատրելը, վրեր ըստընդավ զորք
անց կընալիս ուրանց կամանդերն ուրան վրեր տընսնում ա, ու-

բանն կուրցնում ա, հիվընդանում: Ետնան լոխ նաղլ ա անում, թա հունց ա բուսիտը շինիլ տումլալ, նըերքն աշկը կապիլ տումլալ, վեր- շումն էլ ասում ա, վըեր ինքըլ եկալ ա հւընն տանն հւըննց կաման- դերին հետն, մինգյիլ թա՝ վըեր կամանդերին հետն յըմ տըննա- կան, էն ա ես յոր կօնեմ իլիս Վերըլ էտ տղան հւընն պինը տըես- նում ա, էլլա նի մենում բուսիտին նըերքն աշկը, մաշավը քըլ- լում, ընդընդ կենում: Իտի ամմընն օր էտ տղան տոն ա կյամ էտ ըխճըկանը նհըետ խոսում, էլլա նի մենում հւընն տըեղը:

Մին օր ըխճըկանը մարը կյամ ա պալատը, տըեսնում ախ- ճիգըլ թըշընակած: Քյիննամ ա թաքավըերեն ասում, թաքավըերը տրան թա՝ հինը ըս տիրտըկ-մերտակ տոն աամ: Մին քանի օրն էլ վըեր անց ա կենում, մարը նորից ա քյիննամ ըխճըկանը կոշտը, տըեսնում ա ախճիգըլ պատճառետուր: էլլա յա կյամ թաքավըերեն ասում, թաքավըերը հըվատում չի:

Մին օր էլ մարը քյիննամ ա, տըեսնում ախճիգըլ խոխա պերած, կյամ ա մարթին ասում, մարթն էս դոնոնմ եր ա կենում, քյիննամ ըխճըկանը պալատը, տըեսնում կնգանն ասածը դոնդ ա: Ըխճըկանը յիրն կըզնըվում ա, թա էս հի՞նչ պեն ա, ախճիգյն ասում ա.—Սա քեզ ճիննանշում չըմ, տու հու վըս, վըեր ինձերա կըզնըվում ըս: Թաքավըերը թա՝ ես քու հմը ըմ, ես երգյիրին տարը, տու հինը իրա՞վունք օնըես, վըեր ինձ իտի չողոր ըս տամ: Ախճիգյն էլ ասում ա.—Թա իմ հմը ըս, խե՞ էսքան տարն մեհետ տոն չըս եկալ իրեսըս, վըեր քեզ ճիննանշիմ, իսկ բուսիտը բըզա- րան վըեր ինք ըս կալալ պերալ, խե՞ նըերքն աշկը պեց չըս ըրալ: Համ ասում ա, համ բուսիտին նըերքն աշկընն տոնը թակում, տղան պիննիլն քցոնմ ա, պենում, տոն կյամ:

Ըստըեղ թաքավըերն ամմընն հինը կլոխ ա ինգյոնմ, ճարը կտրած, պիրոնմ ա օխտը օր, օխտը քշեր հըրսանեքյ անում, տա- հանց փսակում, թողում պըլատումը, ինքյն անց կենում քյիննամ:

